

EAE-KO HAUTESKUNDEEN ONDOREN. EHk hauteskundeen emaitzei buruko azterketari ekin dio. Batzar Orokorra izan zen atzo Errenterian, datozen egunetan herri batzarrak egingo dira, eta ekainaren 2an berriz bilduko da Batzar Orokorra.

Esparru berria garatzeko eta bakearen ikurra hartzeko gai ez dela izan dio EHk

Hauteskundeen emaitza «txarrei» buruzko gogoeta eta autokritika prozesua abiatu du EHk atzo Errenterian egindako Batzar Orokorrekin



JAVIER ETXEZARRETA / EFE

EHren Batzar Orokorra Errenterian bildu zen atzo, hauteskundeen emaitzei buruzko gogoeta abian jartzeko.

ESANAK

JOSEBA PERMACH

(Mahai Nazionalako koordinatzailea)

«Guk Gasteiztik alde egitean, EAJ gelditu da Mayorri aurre egiteko tresna bakar gisa»

ARNALDO OTEGI

(EHko bozeramailea)

«Su-etena haustean izaniko desilusio horren ardura handi bat EHri egotzi dio gizarteak»

tiak ongi gizarteratu gabe Gasteizko Parlamentutik alde egitearen ondorioak, ezker abertzalearen zapalkuntza eta komunikabide batzuen jarrera eta, azkenik, bakearen ikurra hartzea lortu ez izana.

Prozesuaren lidergoaren galera

EHk 1998tik honako bitarteko balantze autokritikoa egin zuen. Arnaldo Otegi EHko bozeramailearen hitzetan, 1998an «euskal gizarteak prozesuaren lidergoa EHren eta ezker abertzalearen esku utzi zuen». Baina lidergo horren kudeaketan egindako akatsen ondorioz, galdu egin zuen. Akatsen artean, eredu instituzional alternatiboa ikustarazteko gaitasunik ez izatea, EAJ eta EAren «jarrera trabatzailearen aurrean» kritika politikorik egin gabe «beraiei begira» gelditu izana eta Gasteizko Parlamentuarekiko izaniko jarrera aipatu zuen Otegi. «Itun instituzionalaren bitartez, zentraltasun politikoa Gasteizen jarri genuen, eta Gasteiztik joanda oker bera egin genuen: gutxiengoan gelditu zirenez, berriro politikagintza Gasteizera begira jarri genuen».

«Su-etena hautsi zenetik hona, EHk definitiboki galdu du gizarteraren aurrean», gehitu zuen Otegi. «Desilusio horren ardura handi bat gizarteak EHri egotzi dio. Ez gara izan gai azaltzeko EAJ eta EAren atzerapausoak zein tamainatakoak ziren», azaldu zuen.

AZTERKETA

Bost arrazoi nagusi emaitzak azaltzeko

Mahai Nazionalaren azterketaren arabera (Permachen ahotan), bost arrazoi nagusi izan dira EHk izan dituen emaitzak jasotzeko:

BIPOLARIZAZIOA. «Euskal Herria/Espainia bipolarizazioa gertatu da, eta Ibarretxe eta Mayorren artean pertsonalizatu. Horrek nolabait teko beldurra eragin du. Sentsazio eta sentimenduen munduak garrantzi handia izan du. Egoera horretan EHk ez du gaitasunik erakutsi gizarteak sentitzen zuena kontuan hartzeko eta horren arabera aritzeko».

ESPARRU BERRIAREN GARAPEN URRIA. «Garrantzitsua da esparru berri bat martxan jartzea eta bideragarria dela erakustea. Ez dugu lortu nahi genukeen garapena. Horrek ekarri du esparru zaharkituak garrantzia hartzea eta gizarteak berria ez ikustea erreal».

GASTEIZKO LEGEBILTZARRETIK IRTETEA. «Guk alde egindakoa, EAJ gelditu da Gasteizko Parlamentuan Mayor Orejari eta Redondo Terrerosi aurre egin ahal zion tresna bakar gisa».

EGOERA ANTIDEMOKRATIKOA. «Ez da berria, baina arrazoiak badaude pentsatzeko azkeneko hilabeteetan eta kanpainaurrean bai erreprezioak eta bai komunikabideen jarrerak eragin zuzena izan dutela hauteskundeetan. Komunikabide batzuen eraginez, borroka armatuaren ondorioz gertatzen diren gertaera tragikoen erantzukizuna EHren teilatuan jartzen zen».

BAKEAREN IKURRA HARTU EZINIK. «Ez gara gauza izan bakearen ikurra hartzeko eta gizartearen aurrean egunero bakearen alde eta gatazkaren konponbidean lan egiten duen indar gisa agertzeko. Bakearen inguruko lidergoa beste esku batzuetan gelditzen zela irudikatu ahal izan da. Hauteskunde hauetan bake huts bat garatu dute EAJk eta EAK, Ajuria Enearen buelta ekar dezaketen planteamenduak. Baina haiek hartu dute bakearen bandera, eta guk hartu behar genuen».

Pello Urzelai | ERRENTERIA

EHk gogoeta eta autokritika prozesua abiatu du, joan den igandeko bozen emaitzak aztertzeko eta aurrera begirako ildo politikoak zehazteko. EHren Batzar Orokorra bildu zen atzo Errenterian, eta Mahai Nazionalaren azterketaren berri izan zuen. Laurehun lagun inguruk parte hartu zuten atzoko batzarraren, eta bertan, Mahai Nazionalaren ikuspuntua entzuteaz gain, iritzi trukea eta eztabaida hasi zen. Datozen bi asteetan, herri guztietan batzarrak izango dira aztertzen jarraitzeko, eta ekainaren 2an Batzar Orokorra berriz bilduko da, iritzi guztiak jaso eta aurrerantzean izan beharreko ildoak finkatzeko.

Mahai Nazionalaren azterketaren arabera, bost arrazoi nagusi izan dira emaitzak txarrak izateko: bipolarizazioa, egungo esparru politikoaren alternatiba nahi beste ez garatzea, zerga-